

Matumuuna Naalackersuisut Inatsisatut Suleriaasianni § 33 imm. 4 naapertorlugu aalajangiiffigisassatut siunnersuut manna saqqummiuppaat:

Kalaallit-nunaanni nunat allamiut pillugit inatsisip allannguutissaata atuutilernissaanut aalajangersagaliornissaq pillugu Inatsisartut aalajangernissaat pillugu siunnersuumut oqaaseqaateqarnissaq (Nunamut isernissamut malittarisassat ataatsimoorussat allasimannngitsut (isernissamut malittarisassat) pillugit peqqussummik pilersitsinissaq, paasisassarsiorluni suliaqarnerit assigisaallu pillugit maleruagassanik aalajangersaanissamut pisinnaatitaaffiliinissaq.)

(Inuussutissarsiornermut Aatsitassanullu Naalackersuisoq)

Tunngavigisaq

Siunnersuutikkut qulakkeerniagaaq tassa Danmark-ip Schengenimi isumaqatigiissutini maleruagassat tunngavigalugit pisussaaffimminik naammassinninnissaa, tamatumunnga ilaatillugu killeqarfinnik avalliusunik Kalaallit-nunaaaniittunik sukumiisumik nakkutiginninnissaq kiisalu killeqarfinnut tunngatillugu tamatumunnga tunngatillugu ilanngullugit iliussissanik pisariaqartitanik naammassinninnissaq, ilaatigut soorlu assersuutigalugu killeqarfinnik nakkutilliinermut atatillugu VIS-imik atuinissaq.

Inatsisissatut siunnersuutip imarisai:

Siunnersuut tunngavigalugu Europa-Parlament-ip kiisali Rådet-ip nunamut isernissamut paasisitsiniutigineqarnissaa pillugu aaqquussinermut (VIS) peqqussut qallunaat killeqarfinnik nakkutilliinermut atatillugu atornerqarsinnaalissaaq. VIS atorlugu nunamut isernissamut qinnuteqarnermut periutsit oqinnerilersinneqassapput kiisalu "visumshopping" pinaveersaartinneqassalluni, tassa nunamut isernissamut akuersisartut nunamut isernissamut qinnuteqaatinik tigusinerminnut atatillugu naalagaaffiup ilaasortaasup siusinnerusukkut qinnuteqaatit aalajangersimasut tigusimasatut nalunaarsorsimaneraat kiisalu qinnuteqaat itigartitsinneqarsimassagaluarpat tunngavilersuutit, akuersissummik arsaarinnittoqarsimanersoq assigisaallu nalunaarsorneqarsimanersut nakkutigineqarsinnaalersillugit. VIS-imut tunngatillugu peqqussut tunngavigalugu akuersissummik qinnuteqartumut tunngatillugu paasisutissat, VIS-imi qinnuteqartai ipaasa naqinneri assingalu ilaatinneqassapput.

Pisortanut allaffissornikkut aningaasatigullu kingunerisassai

Naamik

Inuussutissarsiornermut allaffissornikkut aningaasatigullu kingunerisassai

Naamik

Attaveqaatit

Naamik

Tusarniaaneq

Peqqussummut siunnersuut 9. august-imiit 16. september 2013-imut Naalakkersuisut tusarniaanermi nittartagaani saqqumitinneqarnikuuvoq.

Taamatut oqaaseqarlutik Naalakkersuisut innersuutigaat Inatsisartut Kalaallit-nunaanni nunat allamiut pillugit inatsisip allannguutissaata atuutilernissaanut aalajangersagaliornissaq pillugu Inatsisartut aalajangernissaat pillugu siunnersuut (Nunamut isernissamut malittarisassat ataatsimoorussat allassimanngitsut (isernissamut malittari-sassat) pillugit peqqussummik pilersitsinissaq, paasisassarsiorluni suliaqarnerit assigisaallu pillugit maleruagassanik aalajangersaanissamut pisinnaatitaaffilliinissaq.) atuutilissasoq akuersissutigissagaat

Ilanngussaq:

1) Kalaallit-nunaanni nunat allamiut pillugit inatsisip allannguutissaata ilaata atuutilernissaanut aalajangersagaliornissaq pillugu Inatsisartut aalajangernissaat pillugu siunnersuut naalisakkamik nassuiaatiginera (Nunamut isernissamut malittarisassat ataatsimoorussat allassimanngitsut (isernissamut malittarisassat) pillugit peqqussummik pilersitsinissaq, paasisassarsiorluni suliaqarnerit assigisaallu pillugit maleruagassanik aalajangersaanissamut pisinnaatitaaffilliinissaq.)